

中國方志叢書·華北地方·第五〇六號


據

清同治十三年刊
清劉廣年重修本

影印

河北省

靈壽縣志



成文出版社有限公司印行

5K51101



中國方志叢書·華北地方·第五〇六號


據

清同治十三年刊
清劉慶年重修本

影印

河北省

靈壽縣志



sk 50101

成文出版社有限公司印行



中華民國六十五年 月臺一版

靈壽縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

江西北靈壽縣志序

溯自計偕北上浪跡春明後先廿餘年矣日與士夫遊見
案頭各載記事成書已不下數十種嗣調宰燕州因公迭
赴金臺見局中所集各屬志乘汗牛充棟醇駁互收而相
沿之通病莫甚於浮夸凡古蹟人物率皆輾轉僞託而不
去莫濫於依附凡事實藝文率皆庸膚雜沓而不馴
子雅求其體例精嚴考證詳核卓然名史如靈壽志者卒
鮮靈志續修於康熙乙丑年當湖陸稼書先生來宰斯
邑取國學傳君家塾藏本詳加討論訂爲十冊獻之
天府傳及四方一時幾於洛陽紙貴迄今幾二百年矣其

間幽光潛德湮沒不彰者又不識幾何詎無學士大夫起而欲修者乃或迫於公私之煩冗或憚於資斧之缺如觀望躊躇因循遂至於今日歲壬申伯相國李制軍續修通志諭合省丞倅牧令各將所屬舊志一律興修責成爰集邑人士協心採輯雖有數子之雅而故者實難爲之詞乃依稊書先生原訂舊本每類各續於其後條分縷析閱十月而纂輯成編嗟夫莫爲之前雖美弗彰莫爲之後雖盛弗傳何幸而私淑有人俾得仿其遺規並遵太史公舊例古蹟人物詳而不失於浮夸事實藝文略而不病於依附刪繁就簡務期完善而今而後有志

於人心世道者撫茲瘡苦之區亦可依彙分門隨時補輯
集既成將付剞劂氏問序於予特述其崖略如此云

言

同治十二年歲次癸酉仲冬月滇西劉慶年謹撰

舊志序

靈壽於眞定三十二州縣中最爲瘠壤其民遇豐歲豈飯
藿羹僅免溝壑一遇水旱螽蟊之災流離轉死不可救藥
蓋在前代已然兵燹之後元氣益復衰耗以故文獻散佚
無徵按史傳所記故事詢之士人無有能道之者大禹治
鯀何所鮮虞中山之時疆理若何武靈惠文屯兵何
所昌國君遺址安在樂叔繼封何鄉何里邳侯食采第宅
何在何年始廢曹武惠韓忠獻父子聚族何村始遷何代
大聖大賢之故迹如烟雲之過目不可復求穆然徒見滹
沱流而太行峙而已卽戶口之盛衰賦役之繁簡典禮之

廢興自明以前亦湮沒不可考豈不可慨也哉國學生傅君維樸憫舊志之殘缺網羅放失舊聞彙緝成編藏於家塾筆削詳略具有法度不鑿不濫然其已湮沒者亦未如之何也適余奉 部檄徵縣志因取其書稍爲更定附以爲十卷聊以備採擇云爾閱是編者見其土瘠民窮慨然思爲政者宜安靜不宜紛更甯損上毋損下甯便民毋便官則可矣若曰一方之文獻在是則余與傅君皆不能無愧焉

肯

康熙乙未仲夏

賜進士出身直隸真定府靈壽縣知縣當湖陸隴其謹序

凡例

一真定府志分表紀志傳今總謂之志其人物志卽傳也而表紀則缺焉蓋一邑之小文殘獻缺不能如府志之

詳

一士瘠民貧居官者知此然後不敢以紛更聚斂爲事士著者知此然後不敢以侈靡爭競爲能綱領所在故隨處提醒

一郡邑志例有八景悉屬湊合曲陽志獨刪之差強人意蓋觀山川者當知其源委形勢沾沾於景抑末矣况又

牽合乎今悉不載卽縣境一圖亦止以山川爲經村落爲緯無取於景

一舊志凡官廨昔有今無者不敢輒削但就本地之下註曰久廢以志桑滄之感今依之

一之建蓋表厥宅里之意所重在人不在于坊買櫝還珠無取乎耳故名臣賢士旣表章於各傳中不復載其坊額

一闢邪崇正爲政之大防故佛老寺觀概不敢載如魯柏祁林止因事而見

一天下通行如文廟儒賢位次籩豆牲帛之數儀注祭

文詳在會典者俱不載

一賦役關係民生休戚故備詳沿革不厭其煩

一官師選舉止詳 本朝亦本舊志斷自明初之例非敢
擅削也

一名臣言行如樂昌國曹武惠章彰於正史者止存其略
不詳載

一風雲月露之篇無關地方利病者俱不載

一名賢著述如朱仲福之折中厯法因兵燹散失訪求未
得亦從闕如

一靈壽舊志修於萬厯丙子者缺略不全修於康熙壬子

者草創未就國學生傳君維樸因前二志益以己所聞
見序次成書詳略有法取舍不苟此編雖稍有更定然
大半本於傳書前後序論則係管見亦有出自傳君者
求當理而已不復分別某人之言中間隨筆所記不成
言則皆以一按字冠之

陸隴其識

歷修縣志姓氏

明嘉靖庚寅創修

知縣豐城李廷璋

教諭汝陽張 繹

舉人 王維藩 董宗魯

生 李 龍 張 復

生員 彭舜卿 吳純仁 尹欽德 申舜臣

嘉靖丙申醵刊

知縣湘潭石如龍

訓導洪洞范 登

生員 趙景暘 楊希哲

萬曆丙子重修

知縣南豐張 照

教諭昌樂王 積

導聊城王 基

進士 傅鳴會

舉人 楊騰芳 耿德章

生員 董尙純 馬朝用 楊騰奇 侯三聘

馬思選 尙東儒 王慎行 貢繼志

明朝康熙壬子重修

知縣韓城衛秦龍

訓導安州姬宏基

廣順知州傅維模

貢生 康國盛

監生 傅維樑

生 傅燮調

生員 吳奇光 董朝英 馬鴻勛

康熙乙丑重修

知縣當湖陸隴其

同治甲戌重修

知縣景東劉賡年

知縣歸安沈秉鈞

教諭定州王槐齡

教諭深州李 峻

訓導豐潤董初爲

外委正定史廣

典史昆明張鴻舉

重刊縣志姓氏終

同治癸酉
仲冬重刊